

 [Betti PDF ta'rizde ju'klep ali'w \(75 Kb\)](#)  [Versiyasi'](#)  [Betti doc ta'rizde ju'klep ali'w \(75 KB\)](#)

O`zbekiston Respublikasi Vazirlar Mahkamasining 2018 yil 23 yanvardagi

“Yo`lovchi avtotransportida favqulodda vaziyatlar profilaktikasi va ularning oldini olish, shuningdek, O`zbekiston Respublikasi Davlat chegarasidan tashqariga chiqadigan fuqarolar havfsizligini ta`minlashga doir shoshilinch chora-tadbirlar to`g`risida”gi 42-sonli qarori haqida

2018 yil 18 yanvar kuni Qozog`iston Respublikasi Aktyubinsk viloyatining Irgizsk tumanidagi “Qaliboy” aholi punktidan 10 kilometr uzoqlikda, “Samara-Chimkent” avtomobil yo`lining 1068 kilometrda “Ikarus” rusumidagi yo`lovchi avtobusi yonib ketdi. Yong`in oqibatida qurbonlar va jabrlanganlar bor. Ularning 55 nafari O`zbekiston Respublikasining fuqarasidir.

Ititish moslamasi bo`lmagan avtobusning texnik nosozligi, unda tez yonuvchi moddalarning bo`lgani, yong`inga qarshi uskunalarning foydalanishga yaroqsizligi, avtobusda ortiqcha yo`lovchilar bo`lgani, salonning yuklar bilan to`ldirilgani, havfsizlikning oddiy qoidalariga rioya etish bo`yicha profilaktika choralarining yo`qligi avtobus yonishining asosiy sabablari bo`lgan.

Yo`lovchi avtotransportida favqulodda vaziyatlar profilaktikasi va ularning oldini olish, bundan buyon bu kabi fojiali voqealar takrorlanishiga yo`l qo`ymaslik, baxtsiz hodisalar va yo`l-transport halokatlari yuzaga kelishini bartaraf etish, shuningdek, O`zbekiston Respublikasi Davlat chegarasidan tashqariga chiqadigan fuqarolar havfsizligini ta`minlash yuzasidan kompleks shoshilinch chora-tadbirlarni amalga oshirish maqsadida Qoraqalpog`iston Respublikasi Vazirlar Kengashi qaror qiladi:

1. O`zbekiston Respublikasi Vazirlar Mahkamasining 2018 yil 23 yanvardagi “Yo`lovchi avtotransportida favqulodda vaziyatlar profilaktikasi va ularning oldini olish, shuningdek, O`zbekiston Respublikasi Davlat chegarasidan tashqariga chiqadigan fuqarolar havfsizligini ta`minlashga doir shoshilinch chora-tadbirlar to`g`risida”gi 42-sonli qarori ijro uchun rahbarlikka olinsin.

2. O`zbekiston Respublikasi Vazirlar Mahkamasining yuqorida ko`rsatilgan qarori bilan:

a) O`zbekiston Respublikasidan tashqariga yo`lovchi tashuvchi avtomobil` transportida O`zbekiston Respublikasi fuqarolarining havfsizligini ta`minlash bo`yicha Respublika komissiyasi (keyingi o`rinlarda komissiya deb ataladi) 1 -ilovaga muvofiq tarkibda tuzilganligi;

Quyidagilar Komissiyaning asosiy vazifalari etib belgilanganligi va unga ko`ra:

O`zbekiston Respublikasi fuqarolarining xorijga chiqish tartibining bo`zilishiga olib keluvchi shart-sharoitlarni tizimli o`rganish hamda ularning oldini olish, mehnat migratsiyasi jarayonlarini takomillashtirishga doir kompleks chora-tadbirlarni amalga oshirish;

xorijga chiqayotgan fuqarolar o`rtasida transportda harakatlanish vaqtida havfsizlik choralarini, xorijiy davlatda bo`lish qoidalarini, shaxsiy havfsizlik bo`yicha zarur choralar, fuqarolarning huquqlari va majburiyatlari to`g`risida doimiy tushuntirish ishlari o`tkazilishini tashkil etish;

aholi o`rtasida yo`lovchi avtomobil` transportida favqulodda vaziyatlarning oldini olish chora-tadbirlari haqida tushuntirish ishlari kuchaytirish, respublikadan tashqariga tovarlarning noqonuniy olib o`tilishiga, yo`lovchi yo`lovchi avtomobil` transporti salonida yong`indan havfli, portlovchi, zaharli, badbo`y, radioaktiv moddalar va buyumlar shuningdek, uqotar va tig`li qurollar olib o`tilishiga yo`l qo`ymaslik va ularning oldini olish yuzasidan zarur choralar ko`rish;

zarurat bo`lganda, davlat-xycyciy sheriklik shartida xalqaro avtobus

qatnovlarini tashkil etish, yo`lovchilar havfsizligini ta`minlash choralarini ko`rish;

xorijga chiqadigan O`zbekiston Respublikasi fuqarolarining havfsiz harakatlanishni ta`minlash, xorijda bo`lish va mehnat faoliyatini amalga oshirish masalalari bo`yicha xorijiy davlatlar vakolatli organlari o`zaro hamkorlik qilish belgilanganligi;

b) Qoraqalpog`iston Respublikasi Vazirlar Kengashi Raisiga, viloyatlar va Toshkent shahri hokimlariga, hududlardagi sektorlar rahbarlariga, shuningdek, O`zbekiston Respublikasi Bandlik va mehnat munosabatlari vaziriga fuqarolarning xorijiy davlatlarda mehnat faoliyatini amalga oshirish uchun uyushqoqlik bilan chiqishini ta`minlash, noqonuniy chiqishga yo`l qo`ymaslik, shuningdek, mehnat migratsiyasi sohasidagi qonunchilikka rioya etilishi bo`yicha shaxsiy mas`uliyat yuklanganligi;

v) O`zbekiston Respublikasi Bandlik va mehnat munosabatlari vazirligiga hududlardagi sektorlar rahbarlari va Fuqarolarning o`zini o`zi boshqarish organlari faoliyatini muvofiqlashtirish bo`yicha Respublika kengashi bilan birgalikda xorijiy davlatlarda mehnat faoliyatini amalga oshirish uchun fuqarolar guruhlarini qonun hujjatlarida belgilangan tartibda shakllantirish va yuborish bo`yicha tizimli nazorat o`rnatish belgilab qo`yilganligi;

g) Favqulodda vaziyatlarning oldini olish va ularning profilaktikasi, shuningdek, xorijga ketayotgan O`zbekiston Respublikasi fuqarolarining havfsizligini ta`minlash bo`yicha doimiy faoliyat ko`rsatuvchi hududiy ishchi guruhlarining (keyingi o`rinlarda ishchi guruh deb ataladi) namunaviy tarkibi ilovaga muvofiq tasdiqlanganligi;

d) Quyidagilar ishchi guruhlarning asosiy vazifalari etib belgilanganligi, unga ko'ra:

tegishli suhbatlar va so'rovlar o'tkazish, O'zbekiston Respublikasi Davlat chegarasi orqali o'tkazish punktlarida suhbatlashishga alohida e'tibor qaratish yo'li bilan fuqarolarning ketish maqsadlarini aniqlash;

mamlakatdan tashqariga chiqadigan O'zbekiston Respublikasi fuqarolari bilan yo'lovchi avtomobil transportida (mikroavtobuslar va avtobuslar) harakatlanishda havfsizlik qoidalari hamda xorijda bo'lish qoidalari rioya etish to'g'risida tushuntirish ishlari va instruktaj o'tkazish;

O'zbekiston Respublikasida ro'yxatga olingan yo'lovchi avtomobil transportida O'zbekiston Respublikasidan tashqariga chiqishda - transport vositasining yo'lga chiqishdan oldin texnik ko'rikdan va haydovchining tibbiy ko'rikdan o'tganligini, haydovchilarning avtobus yo'nalishlari sxemalari, shuningdek, yo'lda ob-havo sharoitlari, yo'llarning o'zgarishi va yo'lda harakatlanishni tashkil qilish to'g'risidagi axborot bilan ta'minlangani, avtobuslar va mikroavtobuslarning texnik soz holatda ekani, tegishli litsenziya kartochkalari mavjudligini puxta tekshirish;

O'zbekiston Respublikasida ro'yxatga olinmagan yo'lovchi avtomobil transportidan O'zbekiston Respublikasidan tashqarida foydalanishda - yo'lovchini xorijiy tashuvchining transport vositasini tegishli texnik va sanitariya holatida belgilangan joyga o'z vaqtida qo'yish bo'yicha majburiyatlarini, yo'lovchining majburiyatlari va huquqlari, shu jumladan ko'rsatiladigan xizmatlar ro'yxati va sifati, ularni ko'rsatish shartlari va harakatlanish yo'nalishi haqidagi aniq axborotni o'z vaqtida olish, unga va uning yukiga etkazilgan zarar yoki ziyonni qoplashni talab qilish huquqi to'g'risida xabardor qilish. Haydovchi transport vositasining texnik holati haqida axborot taqdim etmaganda va yo'lovchida ko'zdan kechirish natijasida avtobus yoki mikroavtobusning texnik nosoz ekaniga shubha tug'ilganda, yo'lovchini ketish fikridan qaytarish;

amalga oshirilgan ishlar to'g'risidagi axborotni har oyda umumlashtirish va Komissiyaga taqdim etish belgilab qo'yilganligi;

e) Davlat chegarasidan o'tkazish punktlari Chegaradosh davlatlar bilan o'tkazish punktlari to'g'risida hukumatlararo bitimlarda (Qozog'iston Respublikasi bilan 2001 yil 16 noyabrda, Turkmaniston Respublikasi bilan 2007 yil 18 oktyabrda, Qirg'iziston Respublikasi bilan 2004 yil 24 iyulda va Tojikiston Respublikasi bilan 2002 yil 12 fevralda) nazarda tutilgan sharoitlarda, shu jumladan 3-ilovaga muvofiq Davlat chegarasidan avtomobillarni o'tkazish punktlari faoliyat ko'rsatishi ma'lumot uchun qabul qilinganligi;

j) 2018 yilning 1 fevralidan boshlab, yo'lovchilar bilan Davlat chegarasidan tashqariga chiqadigan avtobuslar va mikroavtobuslar yo'lga chiqishdan oldin O'zbekiston Respublikasi Ichki ishlar vazirligining Yo'l harakati havfsizligi davlat xizmati tomonidan Yong'in havfsizligi davlat xizmati vakillarini jalb etgan holda, avtotransport vositalarining harakatlanish ro'yxati hamda jadvaliga muvofiq texnik ko'rikdan o'tkazilishi belgilab quyilganligi;

z) O'zbekiston avtomobil va daryo transporti agentligiga:

avtovokzallar va avtostantsiyalarning ruxsat berish talablari va shartlariga rioya etishi bo'yicha nazoratni kuchaytirsin, bunda tashish havfsizligi va yong'in havfsizligi, texnika havfsizligiga rioya etilishi, yo'lga chiqishdan oldin avtotransport vositalarini texnik ko'rikdan va haydovchilarni tibbiy ko'rikdan o'tkazish yuzasidan talablar bajarilishi, faqat litsenziya kartochkalari ega avtotransport vositalariga xizmat ko'rsatilishiga alohida e'tibor qaratish;

hududiy boshqarmalar inspektorlarining tashish xavfsizligiga yong'in havfsizligi talablariga rioya etilishini, avtomobil transportida yo'lovchi va yuk tashiydigan avtotransport vositalarining litsenziya kartochkalari mavjudligi, haydovchilarning mehnat va dam olish rejimiga rioya etishini nazorat qilish bo'yicha faoliyatini faollashtirish;

O'zbekiston Respublikasi Bandlik va mehnat munosabatlari vazirligi, Ichki ishlar vazirligi bilan birgalikda O'zbekiston Respublikasidan tashqariga chiqadigan O'zbekiston Respublikasi fuqarolarining borishi zarurligini inobatga olib, chegaradosh davlatlar bilan xalqaro yo'llarda muntazam yo'lovchi avtobus qatnovlarini tashkil etish to'g'risida bir oy muddatda Vazirlar Mahkamasiga taklif kiritish topshirilganligi;

i) O'zbekiston Respublikasi Turizmni rivojlantirish davlat qo'mitasiga mamlakat ichida va tashqarisida sayyohlar guruhlarni tashkil etishda transportda harakatlanish chog'ida havfsizlik qoidalari rioya etish bo'yicha asosiy talablar, xorijda bo'lganda fuqarolarning huquqlari va majburiyatlari to'g'risida doimiy tushuntirish ishlari o'tkazilishini ta'minlash topshirilganligi;

k) O'zbekiston Respublikasi Tashqi ishlar vazirligiga:

chegaradosh davlatlarning tegishli vazirlik va idoralari bilan O'zbekiston Respublikasi fuqarolarini noqonuniy tashish va ular ishtirokida baxtsiz holatlarning oldini olish maqsadida borgan mamlakatda avtotransport vositalarida havfsizlik standartlari va talablarini takomillashtirish yuzasidan uzaro hamkorlikni ta'minlash;

borgan mamlakatda ro'y bergan hodisa oqibatida jabrlangan O'zbekiston Respublikasi fuqarolariga O'zbekiston Respublikasining xorijdagi diplomatik vakolatxonalarini hamda konsullik muassasalari tomonidan shoshilinch yordam ko'rsatish choralarini ko'rish mexanizmini ikki hafta muddatda ishlab chiqish topshirilganligi;

l) O'zbekiston Respublikasi Favqulodda vaziyatlar vazirligiga va Tashqi ishlar vazirligiga dahldor vazirlik hamda idoralar bilan birgalikda Qozog'iston Respublikasining Aktyubinsk viloyatida yo'lovchi avtotransportida ro'y bergan favqulodda vaziyat oqibatida jabrlangan O'zbekiston Respublikasi fuqarolariga yordam ko'rsatish ishlarni tashkil etishda o'zaro hamkorlik tajribasini hisobga olgan holda, ni bir oy muddatda ishlab chiqish va O'zbekiston Respublikasi Vazirlar Mahkamasiga tasdiqlash uchun belgilangan tartibda kiritish topshirilganligi;

m) O'zbekiston Respublikasi Bandlik va mehnat munosabatlari vazirligiga:

O'zbekiston Respublikasi Bandlik va mehnat munosabatlari vazirligining Tashqi mehnat migratsiyasi agentligi tomonidan xorijda ishga joylashtirish uchun tanlash va yollash tashkil etilgan to'g'risida fuqarolarni axborot-kommunikatsiya texnologiyalaridan foydalanib hamda "sms" xabarlar yuborish orqali keng xabardor qilish ishlarni faollashtirish;

O'zbekiston Respublikasidan tashqariga vaqtincha mehnat faoliyatini amalga oshirish uchun chiqadigan respublika fuqarolari uchun eslatmani (keyingi o'rinlarda Eslatma deb ataladi) bir hafta muddatda ishlab chiqish va tasdiqlash, unda quyidagilar nazarda tutilishi:

transportda harakatlanishda havfsizlik qoidalari rioya etishning asosiy talablari, xorijiy davlatda bo'lish qoidalari, xorijga chiqadigan

fuqarolarning huquqlari va majburiyatlari;

O'zbekiston Respublikasi Tashqi migratsiya agentligi va huquqni muhofaza qilish organlarining ishonch telefonlari va veb-saytlari elektron manzillari, O'zbekiston Respublikasining vakolatli davlat organlari, shuningdek, boshqa davlatlar hududidagi O'zbekiston Respublikasi elchixonalari va konsullik xizmatlarining telefonlari ko'rsatilgan holda, odam savdosi holatlari to'g'risida xabardor qilish zarurligi haqida ogohlantirish belgilanganligi;

Bunda ishchi guruhlarni O'zbekiston Respublikasining xorijga ketayotgan har bir fuqarosiga berish uchun etarli miqdorda Eslatmalar bilan ta'minlash topshirilganligi;

n) O'zbekiston Respublikasi Milliy havfsizlik xizmatining Davlat chegaralarini himoya qiluvchi qo'mitasiga hamda Bandlik va mehnat munosabatlari vazirligiga harakatlanish chog'ida, xorijda bo'lish vaqtida o'zini tutish qoidalari, havfsizlik choralarini, xorijiy davlatda favqulodda vaziyatlarga tushgan fuqarolarga yordam ko'rsatadigan organlarning ishonch telefonlari haqidagi axborot aks ettirilgan standlar o'tkazish punktlarida joylashtirilishini tashkil qilish topshirilganligi;

o) O'zbekiston Respublikasi Bandlik va mehnat munosabatlari vazirligiga "O'zbekiston havo yo'llari" MAK va "O'zbekiston temir yo'llari" aksiyadorlik jamiyati bilan birgalikda xorijda ish bilan ta'minlash uchun O'zbekiston Respublikasi fuqarolarini tanlash va yollashni tashkil etishda Tashqi mehnat migratsiyasi agentligining markazlashtirilgan buyurtmanomalari asosida aviatsiya va temir yo'l transportida tashish uchun avia hamda temir yo'l chiptalarini imtiyozli tariflar bo'yicha rasmiylashtirish nazarda tutilgan Idoralararo bitimni ikki hafta muddatda ishlab chiqish va tasdiqlash topshirilganligi;

p) "O'zbekiston havo yo'llari" MAKga va "O'zbekiston temir yo'llari" aksiyadorlik jamiyatiga O'zbekiston Respublikasi Bandlik va mehnat munosabatlari vazirligi bilan birgalikda vaqtincha mehnat faoliyatini amalga oshirish uchun respublikadan tashqariga chiqadigan fuqarolar o'rtasida ehtiyoj bo'lgan yangi yo'nalishlarni tashkil etish yuzasidan bir oy muddatda Vazirlar Mahkamasiga takliflar kiritish topshirilganligi va bunda:

charter qatnovlarni amalga oshirishni va harakatdagi temir yo'l tarkibi sonini, shu jumladan platskart vagonlar ulushini ko'paytirishni;

byudjeti past bo'lgan xorijiy avia va temir yo'l kompaniyalarini jalb etishni, shu jumladan "Rossiya temir yo'llari" OAJ bilan hamkorlik qilish masalasini ko'rib chiqishni nazarda tutish topshirilganligi;

r) O'zbekiston Respublikasi Vazirlar Mahkamasi huzuridagi Davlat personallashtirish markaziga O'zbekiston Respublikasining xorijga chiqadigan fuqarolari to'g'risida O'zbekiston Respublikasi MXX Davlat chegaralarini himoya qiluvchi qo'mitasidan kelib tushadigan zarur axborotni Komissiya, Davlat statistika qo'mitasi hamda Bandlik va mehnat munosabatlari vazirligiga har oy taqdim etib borishi topshirilganligi;

s) O'zbekiston Respublikasi Bandlik va mehnat munosabatlari vazirligiga, Tashqi ishlar vazirligiga va O'zbekiston avtomobil va daryo transporti agentligiga O'zbekiston Milliy teleradiokompaniyasi bilan birgalikda respublika tashqarisiga vaqtincha mehnat faoliyatini amalga oshirish uchun ketadigan fuqarolar uchun chegaradosh davlatlar qonunchiligining qoidalari va talablari tushuntirilgan videorolikni o'n kun muddatda tayyorlasin hamda uning ommaviy axborot vositalarida muntazam efirga uzatilishini ta'minlash topshirilganligi;

O'zbekiston Respublikasi Davlat bojxona qo'mitasiga tayyorlangan videorolikning chegaraoldi bojxona postlaridagi monitorlarda muntazam namoyish etilishini ta'minlash topshirilganligi ma'lumot uchun qabul qilinsin.

3. Favqulodda vaziyatlarning oldini olish va ularning profilaktikasi, shuningdek, xorijga ketayotgan O'zbekiston Respublikasi fuqarolarining havfsizligini ta'minlash bo'yicha doimiy faoliyat ko'rsatuvchi Qoraqalpog'iston Respublikasi hududiy ishchi guruh ilovaga muvofiq tarkibda tuzilsin.

4. Quyidagilar ishchi guruhning asosiy vazifalari etib belgilansin:

Tegishli suhbatlar va so'rovlar o'tkazish, O'zbekiston Respublikasi Davlat chegarasi orqali o'tkazish punktlarida suhbatlashishga alohida e'tibor qaratish yo'li bilan fuqarolarning ketish maqsadlarini aniqlash;

mamlakatdan tashqariga chiqadigan O'zbekiston Respublikasi fuqarolari bilan yo'lovchi avtomobil transportida (mikroavtobuslar va avtobuslar) harakatlanishda havfsizlik qoidalari hamda xorijda bo'lish qoidalari rioya etish to'g'risida tushuntirish ishlari va instruktaj o'tkazish;

Qoraqalpog'iston Respublikasida ro'yxatga olingan yo'lovchi avtomobil transportida Qoraqalpog'iston Respublikasidan tashqariga chiqishda - transport vositasining yo'lga chiqishdan oldin texnik ko'rikdan va haydovchining tibbiy ko'rikdan o'tganligini, haydovchilarning avtobus yo'nalishlari sxemalari, shuningdek, yo'lda ob-havo sharoitlari, yo'llarning o'zgarishi va yo'lda harakatlanishni tashkil qilish to'g'risidagi axborot bilan ta'minlangani, avtobuslar va mikroavtobuslarning texnik soz holatda ekani, tegishli litsenziya kartochkalari mavjudligini puxta tekshirish;

Qoraqalpog'iston Respublikasida ro'yxatga olinmagan yo'lovchi avtomobil transportidan Qoraqalpog'iston Respublikasidan tashqarida foydalanishda - yo'lovchini xorijiy tashuvchining transport vositasini tegishli texnik va sanitariya holatida belgilangan joyga o'z vaqtida qo'yish bo'yicha majburiyatlari, yo'lovchining majburiyatlari va huquqlari, shu jumladan ko'rsatiladigan xizmatlar ro'yxati va sifati, ularni ko'rsatish shartlari va harakatlanish yo'nalishi haqidagi aniq axborotni o'z vaqtida olish, unga va uning yukiga etkazilgan zarar yoki ziyonni qoplashni talab qilish huquqi to'g'risida xabardor qilish. Haydovchi transport vositasining texnik holati haqida axborot taqdim etmaganda va yo'lovchida ko'zdan kechirish natijasida avtobus yoki mikroavtobusning texnik nosoz ekaniga shubha tug'ilganda, yo'lovchini ketish fikridan qaytarish;

har oyda amalga oshirilgan ishlarni muhokama qilish va axborotlarni Respublika komissiyaga taqdim etib borishni ta'minlash.

5. Qoraqalpog'iston Respublikasi Vazirlar Kengashi Raisining o'rinbosarlari, tumanlar va Nukus shahri hokimlari, hududlardagi sektorlar rahbarlari, shuningdek, Qoraqalpog'iston Respublikasi Bandlik va mehnat munosabatlari vaziriga fuqarolarning xorijiy davlatlarga mehnat faoliyatini amalga oshirish uchun uyushqoqlik bilan chiqishini ta'minlash, noqonuniy chiqishga yo'l qo'ymaslik, shuningdek, mehnat migratsiyasi sohasidagi qonunchilikka rioya etilishi bo'yicha shaxsiy mas'uliyat yuklansin.

6. Qoraqalpog'iston Respublikasi Bandlik va mehnat munosabatlari vazirligi hududlardagi sektorlar rahbarlari va Fuqarolarning o'zini o'zi boshqarish organlari faoliyatini muvofiqlashtirish bo'yicha Qoraqalpog'iston Respublikasi kengashi bilan birgalikda xorijiy davlatlarda mehnat faoliyatini amalga oshirish uchun fuqarolar guruhlarni qonun hujjatlarida belgilangan tartibda shakllantirish va yuborish bo'yicha tizimli nazorat o'rnatilsin.

7. Qoraqalpog'iston Respublikasida Davlat chegarasidan avtomobillarni o'tkazish punktlari «Daut-ata» va «Xo'jayli» faoliyat ko'rsatishi ma'lumot uchun qabul qilinsin.

8. O'zbekiston avtomobil va daryo transporti agentligi Qoraqalpog'iston Respublikasi boshqarmasi:

avtovokzallar va avtostantsiyalarning ruxsat berish talablari va shartlariga rioya etishi bo'yicha nazoratni kuchaytirsin, bunda tashish havfsizligi va yong'in havfsizligi, texnika havfsizligiga rioya etilishi, yo'lga chiqishdan oldin avtotransport vositalarini texnik ko'rikdan va haydovchilarni tibbiy ko'rikdan o'tkazish yuzasidan talablar bajarilishi, faqat litsenziya kartochkalariga ega avtotransport vositalariga xizmat ko'rsatilishiga alohida e'tibor qaratsin;

boshqarma inspektorlarining tashish xavfsizligi va yong'in havfsizligi talablariga rioya etilishini, avtomobil transportida yo'lovchi va yuk tashiydigan avtotransport vositalarining litsenziya kartochkalari mavjudligi, haydovchilarning mehnat va dam olish rejimiga rioya etishini nazorat qilish bo'yicha faoliyatini faollashtirsin;

Qoraqalpog'iston Respublikasi Bandlik va mehnat munosabatlari vazirligi, Ichki ishlar vazirligi bilan birgalikda O'zbekiston Respublikasidan tashqariga chiqadigan O'zbekiston Respublikasi fuqarolarining borishi zarurligini inobatga olib, chegaradosh davlatlar bilan xalqaro yo'llarda muntazam yo'lovchi avtobus qatnovlarini tashkil etish to'g'risida un kun muddatda Vazirlar Kengashiga taklif kirtsin.

9. O'zbekiston Respublikasi Turizmni rivojlantirish davlat qo'mitasining Qoraqalpog'iston Respublikasi hududiy boshqarmasi mamlakat ichida va tashqarisida sayyohlar guruhlarini tashkil etishda transportda harakatlanish chog'ida havfsizlik qoidalariga rioya etish bo'yicha asosiy talablar, xorijda bo'lganda fuqarolarning huquqlari va majburiyatlari to'g'risida doimiy tushuntirish ishlari o'tkazilishini ta'minlasin.

10. Qoraqalpog'iston Respublikasi Bandlik va mehnat munosabatlari vazirligi:

O'zbekiston Respublikasi Bandlik va mehnat munosabatlari vazirligi Tashqi mehnat migratsiyasi agentligining Nukus filiali tomonidan xorijda ishga joylashtirish uchun tanlash va yollash tashkil etilgani to'g'risida fuqarolarni axborot-kommunikatsiya texnologiyalaridan foydalanib hamda "sms" xabarlar yuborish orqali keng xabardor qilish ishlarini faollashtirsin;

O'zbekiston Respublikasidan tashqariga vaqtincha mehnat faoliyatini amalga oshirish uchun chiqadigan respublika fuqarolari uchun O'zbekiston Respublikasi Bandlik va mehnat munosabatlari vazirligi tomonidan tasdiqlangan eslatma asosida ishni tashkillashtirish va unga ko'ra:

transportda harakatlanishda havfsizlik qoidalariga rioya etishning asosiy talablari, xorijiy davlatda bo'lish qoidalariga, xorijga chiqadigan fuqarolarning huquqlari va majburiyatlari;

O'zbekiston Respublikasi Bandlik va mehnat munosabatlari vazirligi Tashqi mehnat migratsiyasi agentligining Nukus filiali huquqni muhofaza qilish organlarining ishonch telefonlari va veb-saytlari elektron manzillari, Koraqalpog'iston Respublikasining vakolatli davlat organlari, shuningdek, boshqa davlatlar hududidagi O'zbekiston Respublikasi elchixonalari va konsullik xizmatlarining telefonlari ko'rsatilgan holda, odam savdosi holatlari to'g'risida xabardor qilish zarurligini haqida ogohlantirish.

Bunda ishchi guruhning O'zbekiston Respublikasining xorijga ketayotgan har bir fuqarosiga berish uchun etarli miqdorda Eslatmalar bilan ta'minlash topshirilsin.

11. Milliy xavfsizlik xizmati Davlat chegaralarini quriqlash va himoya qilish qo'mitasi 9202-sonli xarbiy qism hamda Bandlik va mehnat munosabatlari vazirligi harakatlanish chog'ida, xorijda bo'lish vaqtida o'zini tutish qoidalariga, havfsizlik choralariga, xorijiy davlatda favqulodda vaziyatlarga tushgan fuqarolarga yordam ko'rsatadigan organlarning ishonch telefonlari haqidagi axborot aks ettirilgan stendlar o'tkazish punktlarida joylashtirilishini tashkil qilish so'ralsin.

12. Koraqalpog'iston Respublikasi Bandlik va mehnat munosabatlari vazirligiga Qung'iro't temir yo'l zel iva «Nukus xalqaro aeroporti» bilan birgalikda xorijda ish bilan ta'minlash uchun O'zbekiston Respublikasi fuqarolarini tanlash va yollashni tashkil etishda O'zbekiston Respublikasi Tashqi mehnat migratsiyasi agentligining markazlashtirilgan buyurtmanomalari asosida aviatsiya va temir yo'l transportida tashish uchun avia hamda temir yo'l chiptalarini imtiyozli tariflar bo'yicha tasdiqlangan Idoralararo bitim asosida amalga oshirish topshirilsin.

13. Koraqalpog'iston Respublikasi Bandlik va mehnat munosabatlari vazirligiga O'zbekiston avtomobil va daryo transporti agentligi Qoraqalpog'iston Respublikasi boshqarmasi Koraqalpog'iston Respublikasi teleradiokompaniyasi bilan birgalikda respublika tashqarisiga vaqtincha mehnat faoliyatini amalga oshirish uchun ketadigan fuqarolar uchun chegaradosh davlatlar qonunchiligining qoidalariga va talablari tushuntirilgan videorolikni o'n kun muddatda tayyorlasin hamda uning ommaviy axborot vositalarida muntazam e'fira uzatilishini ta'minlasin.

O'zbekiston Respublikasi Davlat bojxona qo'mitasi Qoraqalpog'iston Respublikasi boshqarmasi tayyorlangan videorolikning chegara oldi bojxona postlaridagi monitorlarda muntazam namoyish etilishini ta'minlasin.


14. Mazkur qarorning ijrosini nazorat qilish Qoraqalpog'iston Respublikasi Vazirlar Kengashi Raisining birinchi o'rinbosari A.A.Tajetdinov, Vazirlar Kengashi Raisining o'rinbosarlari S.I.Nagmetov, M.A.Jumanov, M.Sh.Aleuov, Z.A.Ibragimova hamda Qoraqalpog'iston Respublikasi Bandlik va mehnat munosabatlari vaziri U.A.Saburov zimmasiga yuklansin.

Qoraqalpog'iston Respublikasi
Vazirlar Kengashining Raisi

Q.Sariev

Ko'rip shi'g'i'ldi':



- 
- [Ministrler Ken'esi](#)
- [Statistikaliq ha'm analitikaliq ma'gliwmatlar](#)
- [Ministrlikler ha'm vedomstvolar](#)
- [Qala ha'm rayon ha'kimlikleri](#)
- [Hu'jjetler](#)
- [Respublika miymanlarina](#)
- [Elektron hu'kimet](#)
- [Interaktiv ma'mleketlik xi'zmetler](#)